

Skyttan

Lag og texti: Bubbi Morthens

Eins og næfurþunnt svart silki

skríður nóttin til mín inn.

Að njóta hennar er ekki mögulegt

allavega ekki fyrst um sinn.

Föl sem genginn dagur

fellur hún á skuggann minn.

Hvíslar: Fegurstur allra er feigur maður

sem fela kann ótta sinn.

Ég er ekki viss um hvað skal varast

það vefst allt fyrir mér.

Hvort nojan sé falið flassbakk

sem fær að dafna hér.

Hún læðist og læsir klónum

leitar í húminu og sér

allt það ljóta sem löngum var hulið

lengst inni huga mér.

Dagarnir fæðast andvana

dauft er í Reykjavík.

Þú dansar einn í tóminu

og vaknar liðið lík.

Það syngur í höfði mér bergmál

svo kemur þessi bið.

Að sefa hjartað á slíkri stund

er ekki mín sterka hlið.

Þú veist það vel að dauðinn
er fyrir drottni bara heví rómantík.
Og draumarnir hans Gabríels
eru aðeins slímug frík.
Þó ástandið sé viðkvæmt
þá vantar mig öruggan stað.
Vertu mér góð og staldraðu við
því það er eitthvað að.

Ég er ekki viss um hvað skal varast
það vefst allt fyrir mér.
Hvort nojan sé falið flassbakk
sem fær að dafna hér.
Hún kemur og klórar í mig
klók hún veit og sér.
Lúmsk hún efanum læðir
lengst inn í huga mér.

Ég er ekki viss um
ég er ekki viss um
ég er ekki viss um.

Vinsældalistar

#2. sæti DV - Rás 2 (27.3.1987) 7. vikur á topp 10
#2. sæti DV - Bylgjan (20.3.1987) 4. vikur á topp 10
Lagið má finna á eftirtöldum útgáfum

- Kvikmyndatónlist - Skyttarnar (12", 1987)
- Ýmsir - Lífið er lag (1987)
- Bubbi - Frelsi til sölu (aðeins á CD útgáfu, 1987)
- Ýmsir - Bíólögin (1993)

- Bubbi - Sögur 1980-1990 (1999)
- Ýmsir - Óskalögin 8 (2004)
- Bubbi ; MX-21 - 06.06.06 (2006)*
- Ýmsir - 100 Íslensk 80's lög (2007)
- Bubbi - Sögur af ást landi og þjóð 1980 - 2010 (CD & DVD, 2010)

Í flutningi annara á eftirtöldum útgáfum

- Papar - Leyndarmál frægðarinnar (2004)